

श्री जटाधारी पद्मपाणीलोकेश्वर
या
महात्मे

लेखक :- रत्न राज बज्राचार्य
चक्र वर्ण महाविहार
ललितपुर

प्रकाशक:- सुश्री रुक्मिणी श्रेष्ठ

ॐ नमो श्री पद्मपाणि लोकेश्वराय ॥

शंभाषयं त्रिभुवन जिन राजदीत्यैः पद्मपाणिं निलय
भीम विलग्नसत्त्वं शीखाबतिपुरवरे युगवास दे हं । तं धर्मराज
गुणदेव सतत न मे ह्री १ ॥ यं बुद्ध जं जिनकर परमं भयघ्नं
दृष्ट्वाकरं गुणनिधे सकलाश्वसः वा पारगता विषय चूर्णं जला
ववाब्धे ॥ तं धर्म राज गुण दं सततन मे हं सवला ॥२॥
सत्त्वागृहा जनम व्याधिजरान्त दुष्टाः केनार्थतामद न मान
महान्वकारात् । तं पा गृहापरम ज्ञान विशुद्ध राजं तं धर्म
राज गुणदं सततं न मे ह ॥३॥ यस्मैददं कुशुम वुष
त्रिलेपनादि सहश्रुय विविध धम्म विते शुचित प्राप्तजना
विवुद्धराज पदत्वं युगं ॥ तं धर्म राज गुण दं सततं न
मे हं ॥४॥ यसमात वराणिपरिर प्रविध्य दिधान
सीखान्वितै सुखभरं परितुष्टमानै ॥ मर्त्य कृता विविध द न
सुशील ध्यान तं धर्मराज गुण द सततं न मे हं ॥५॥
श्रुद्ध प्र भं जिनकरै परिमिश्रभूता ज्ञानोभयं कमल
जं परिपेय यस्य देवाः मृत सुगतराज बरो मरे डं तं धर्म
राज ॥६॥ यस्मै सदा शरण चित्तमलोल भूतं यस्य
मदैत्यक लुशंदेहमर्थं भूतं ॥ त्यक्तोत्तुमै जनजनाशन
लयवान्स तं धर्म राज ० ॥७॥ सत्त्वोद्धरे सकल देवाविरूप
धारित ब्रम्हा गणेश सततं पूजित पाद पद्मं ॥ नानाविधे-
सकेल भूत दयार्दचित ॥ तं धर्म राज गुण दं सततं न मे

हं ॥८॥ भूत्वा श्रुचिरम पुण्य जिन रमव तं ॥
श्रुत्वाशय पठतिश्रेष्ठ विशुद्धभावे योग दलं परवरं ॥
निराज भवं ॥ तं धर्म राज गुण द सततं न मे हं ॥९॥
क्षेमा करोतुहिपदे विरुद्ध भावे काम द द सुगत ज्ञान
सुलब्ध हे तो । सत्त्वा. स्वरक्षतु महसूव विघ्नमारान् श्रुत्वा
पठंतिभय शत्रु त्रिमदे रक्षः ॥१०॥
इति श्री मदायवि लोवितेश्वर भतारकप्य धर्मराजस्रव
तोत्रं समाप्तं ॥

थुलि यमराजा तोत्र १० पु जुल ॥

ॐ नमो रत्नत्रयाय ॥

आदि बुद्ध श्री प्रक्षादेवी आर्याविलोकितेश्वर यात
नमस्कार

नेपाल धम भूमि मंजु घ षेण स्थापित ॥
सत्य युगे नाग वास दहं. त्रेतायुगे मंजुश्री नं लख दक्कों
छोना नेपालया भूमि खने दयका विज्यात ॥

द्वापर युगे.

बाराणस्यां महीयः क्षितिपति निहिते विप्रव सेरमी
जातो यस्मिनायुः सहश्रा सपतिशयमहोतो विशति
वत्सराणां ॥

छगु समय काशिक्षत्रे ब्रम्ह दत्त महाराजा नं राज्य
भोग याना चोन । ध्व अवस्थासं रानी धनवति या
गर्भवति जुयाव १० मास संपूर्ण जुयवं भिगु नक्षत्रं पुत्ती
खुन्हु कुमार छह्य जुन्मजुल ॥ ध्व कुमार अति सुलक्षणं
नं संयुक्त जुयाव राजा प्रजा सकल या आनन्द जुयाव

गुरु पुरोहित निमन्त्रणा याताव शास्त्र या, लग्नया
 प्रमाण थें जात कर्म व नाम कर्म याक जुल ॥
 काश्यप घकं नाम छुनाव अनेक दान दक्षिणा वियाघ
 दुःखी दरिद्र पिन्तनं दान प्रदान याताव कुमार यात
 सुखनं प्रतिपाल याताव तल ॥ कथह नं डाला, खुला
 दय वं अन्न प्राशनादि याता व तल ॥ थनलि डादं खुदं
 दया वस्यंलि गुरु यात लव ल्हानाव विद्या शास्त्र स्यने
 कने याताव तल ॥ शास्त्र विद्या नं पारंगत जुस्यंलि शिल्प
 बिद्या ६४ चतुषष्ठी विद्या नं पारंगत जुयाव यौवन या
 अवस्थास विवाह कर्म याताव अत्यन्त हर्षमान नं इष्ट-
 मित्र थवथिति देश देश या राजा पनि निमन्त्रणा याताव
 सुखन चोन जुल ॥

निदं प्येदं दया वस्यंलि थुह्य कन्या या पाखें
 कुल सन्तान छह्य जात जुल ॥ थुह्य कुमार ख्वाल
 स्वयाव कुलस्थीर जुल घकं मनस हपमान याताव थःवगु
 कृलाचार थ्यं जात कर्म, नामकर्म यातावतल ॥

येनन्यग्रोध मूने त्रिभव जल निधि
 शोषिता ज्ञान दीप्त्याः॥

थनलि काश्यप कुमार मति चितणा याताव विज्यात
 कि आव कुलस्थीर जुल घकं थव एकान्तनं तपोवन
 विज्यात ॥ न्यग्रोध सिमाया व्वेसं ध्यान याता समाधि
 योग तपस्या याताव विज्यात ॥ थुगु अवस्थास समाधि

योग या प्रभावं राग द्वेष मोह माया मार दवव जिते
 याना तथागत पदलानाव अनेक धर्म चक्र प्रवर्तण याना
 तिष्ठ्य व भारद्वाज आदि शिष्या वि अपालं सहित याना
 स्थान स्थानान्तरे धर्म कथा व्याख्यायानाव नेपाल ध्यंकं
 प्रस्थान यानाव विज्यात ॥ श्री स्वयम्भू ज्योति रूप
 दर्शन याना व अननं श्री गुहेश्वरी दर्शन याना तोत्र
 पाठ यानाव द्वादश तिर्थ अष्ट बंतरागया महात्म्य स्त्रं
 कनाव अननं गौड देशे विज्याना प्रचण्डदेव राजाया थास
 येनकाव अनेक धर्म महात्म्य आशा दयकाव विज्यात ॥
 थव ते काश्यप तथागत या धर्म कथा न्यनाव अक्षय तृतीया
 खुन्हु पिण्ड पात्र दान याना व क्षीर भोजन याकुगु जुल ॥
 थनलि श्री भगवानं आशिवादे विद्या विज्यात ॥ भो प्रचण्ड
 देव राजन छु नेपाले वना आ स्वयम्भू ज्योति रूप दर्शन
 याना श्री गुहेश्वरी दर्शन याना गुणाकर आचार्य भिक्षू याके
 शिक्षा कया प्रव्रज्यां व्रत या प्रनलि स्थानं वज्राचार्य
 पदलाना चरंजीवी जुया चो हुं धकं आशा दयका
 अननं प्रस्थान याना अनेक देश ग्राम चाहुना २००० न
 द्र दं वर्षे निर्वाण जुया विज्यात ॥

यथे काश्यप तथागत या वचन डेना थव पुत्र शक्ति
 देव यात मालको कर्म काण्ड धिति रिति स्थाना कना
 थवगु सिंहासने फेतुका राज्याभिषेक विद्या थव स्त्रि सहित
 नं तेषोबन वने धकं प्रस्थान या यां नेपाल ध्यनकल

वयाव श्री स्वयम्भू ज्योति रूप श्री गुह्येश्वरी नैरात्मा
 दर्शन यानाव गुणाकर भिक्षु याके शरण वनाव शान्त
 श्री भिक्षु धका नाम कर्ण यानाव भावक धर्म प्रवज्या
 ता ग्रहा यानाव त्रिथं श्री त्रिरत्न या सेवा भक्ति
 यानाव वन ॥ धननि भावक धर्म पारंगत यानाव
 पुण्य वयानं संतर्पणं शाम्भु ज्ञान सयकाव पुनर्वार श्री
 मंजुश्री चैत्र मेदा भक्ति भाद यानाव चोन ॥ छन्ह या
 दिसं मंजुश्री गुरु प्रान्न जुयाव प्राक्षा दयका विज्यात
 भो बत्त छं नु कारणं येना यानागु छन्त वन्दान दीय
 धकं आशा दयका विज्यात—थन शान्त श्री भिक्षु प्रार्थना
 यात हे गुरु जित वज्राचार्य या पद विया विज्याहुने,
 निपा कलि कालस ता णिट तस्यें थ्व ज्योती रूप श्री स्वयम्भू
 न्यंका ध्वन याई लक्यें जि थ्व ज्वोति रूप तोकपुया
 चेत्य देवल दयका त्रिये अथ्ये या कारणं जित ब्रज्रा-
 चार्य पद विया विज्याहु धका फोन ॥ श्री गुणाकर गुरुं
 तथास्तु धकं ब्रजघण्टाभिषेकविया शान्ति कर वज्रा-
 चार्य धका नाम छुनाव विज्यात ॥ थनलि अष्ट दिगया
 लोक पाल पि ग्वहालि कयाव पाद स्थापन निसे आरम्भ
 यानाव कथहनं त्रयोदश भुवन गजु समेत तयाव सिधयका
 विज्यात ॥

नेगल मंडले रोग, दुःख, भय निवारणः याये
 निर्मितिन पंचपुर दयकाव शान्तिपुर या ववे छगु योजन
 सुरुङ्ग म्हुयाव चितामणि ध्वजा व्वोयका अंधकार मदयका

चच्छि ह्लिच्छि या स्वास छको जक फेरे याना समाधि
याना यांनाव विज्यात ॥ धन चैत्य थनंलि मानदेव या
पर्यायस (यँ) मन्जु पतन देशे आगालं मंजुश्री या शिष्य
गणपि वास यांनाव ह्लिथं जप पाठ जज्ञ आदि यांनाव
पर उपकार यांनाव चोन । थनंलि मानदेव राजानं गुरुया
उपदेश ड्यनाव यन देज या दक्षिण दिशापात्रे विहार
छग दयकाव रत्न पाणि बोधिसव स्थापना यनाव श्री
मानदेव संस्कारित चक्र वणं महाविहार धका नाम कर्ण
यानाव अनेग देव देवि पि प्रतिस्थापना यांनाव थव गुरु
पुरेहित पतिस्त यथाप्रस्य प्रमाणनं त्रिरपा वियाव आनन्द
नं चोन जुल । कथथ्यं गानी या गभ नं छन्हु या दिन सं
कुमार छह्य जन्म जुल । थव कुलाचार थ्यं जात कर्म व
नाय वमं यांनाव प्रतिपाल यांनाव तल । थनंलि थव
पुत्र तवधिक जुयावस्यंनि मालकी थितिरित स्वने कने
यांनाव विवाह कर्म यांनाव थ्वहे विहारे चुडाकर्म यांनाव
श्राव यान धर्म यांनावचंन कथनं पारंगत जुयाव महायाना
धर्म यांनाव कुत्रिश्वेर प्रतिस्था यांनाव आगम देवता या
सेवा भक्ति यांनाव निर्वाण पद लाक जुल ॥

१) थनंलि मन्जु पतन देशे मंजुश्री या शिष्यपि मं
अनेग धर्म व्याख्यान यांनाव चोन । थन धन दत्त राजां
गुरु या उपदेश यना धन चैत्य स्थापना यांनाव अहो-
रात्र व्रत दनाव विज्यात ॥ धनं लि शीवदेव या पर्यायस
अनेग धर्म कर्म व्याप निति नं प्रजा प्रतिपाल यांनाव

चोन छन्हु या दिन सं पुत्री छह जन्म जुल । थुह पुत्री खनां
 राजाव प्रजापि अति खुसि जुयाव चोन । थव कुलाचार थें जात
 कर्म यानाव भिनक प्रतिपाल यावाव अन्न प्राशनादि यानाव तत
 योवन अवस्थासं अशुबमा यात कन्या दान यानाव राज्य
 समेत तोता तपोवन विज्यात । मङ्गले भंडाखाने चोंगु
 पुखुया दध्वी सिं यागु थांमे वहया पलेस्वाँ छफो नं
 तथा श्रावक चर्या यागु तुल (थव पलेस्वाँ मङ्गले भण्डाखाने
 दध्वी भानं दनि) धनंलि छन्हुया दिने प्रयाग भेत्रे
 विज्याना प्रयाग तीर्थया जल हया बलश स्थापना यानाव
 प्रयाग पुखु दयकाव श्रावणवदि पारु खुन्हु मेला भरे
 यायगु थिति दयका विज्यात ॥

थुगु वखतस ह्लापा द्वापर युगे पद्य शेखर राज-
 कुमार जन्म जुगु थास वैशालि नगर (हांडी गाम
 गुगुकि अग्नी उत्पात जुयाव छन्हुया दिने हे जलान जुया
 ध्वंस जुयावन) शखमुल तक थुगु अवस्थास दक्षिण दिशा
 दक्षिण पाखें जङ्गल ह्यासे याना मध्यलष देश छगु दयका
 श्री मति देश घकं नाम वर्ण यानाव दश क्रोध भैंव
 आहावान याना गुरू पुरोहित पनिस्यन प्रतिष्ठा याकाव
 आनन्द नं प्रजालोक प्रतिपाल यावावचन ॥ वधनं रानी
 या गभं बढय जुयाव दस मास पुर्ण जुयालि सुदिन
 सुवेलास कुमार छह जन्म जुन ॥ थव कुमाया खवाल
 स्वयाव कुल थिर जुल धकं हर्षमान यानाव पुरोहित पि
 सलताव थव कुलाचार थें जात कर्म यानाव दृप देव वर्मा

धकं नामकर्णं यानाव थव इष्ट मित्र पित्त निमन्त्रणा यानाव
 मढि चढि फनफुल भोजन यातकाव गुरू पित्त यथा योग्य
 प्रमाण दान दक्षिणा वियाव सुख नं विज्यात । थव वृष
 बर्मा राजकुमार शुक्ल पक्ष या चन्द्रमाथें न्हीया न्हीथं
 वढय जुया जान बुद्धि वढय जुयाव वल । थनंली हानं
 द्वितिय सतान छह्य जन्म जुल । थवयात नं कुलाचार थें
 मालकी कर्म काण्ड यानाव वालार्चन धका नामकर्णं यानाव
 भिनकं प्रतिपाल यानाव तल । निदं प्यदं दयाव वस्यंलि
 १८ भिच्यादं दुम वृष देव बर्मा थव ज्येष्ठ पुत्र या
 विवाह कर्म यानाव राज्य भारा वियाव राजारानी
 निम्ह तपोवन विज्यात ॥ थन ववुया आज्ञा थें न्याय
 निनि धर्म नं प्रजाप्रतिपाल याना धर्म कर्म यानाव चोन

द्वपर युगया अन्तिमे मध्यलषु श्री मति देशया वृष
 बर्मा राजानं न्याय नीति धर्म नं विलिविलि जागु समान
 जुया चोन ॥ न्हि या न्हिथं श्री खडग योगिणी दर्शन याना
 दान धर्म चनेयाना चोचो श्रवन कृष्ण पारू धर्म यात्रा खुन्दु
 धर्मदत्तं दयका वंगु धन चैत्यजिर्णोधार यानाव अन नं
 शंखमूल तिर्थे मोल्हुया ईश्वर पि दर्शन यानाव छें विज्या-
 कगजुल । जुजु वृषदेव बर्मा यात आकाभाकां छुं त्व च
 कल उग्रिमे यम किकर धयातपि येमदुत वया थव जुजु यागु
 जोव पंकल । यमलोके यकुग वखते दक्षिण दिशा पाखे पापिष्ट
 तयत नरक भोग याकातवगु वृष देव बर्मा राजा यान निसें
 खन ।

सूत्री मुखं उत्तर पर्वत जिर्णं मग्नं क्षतृणा दुख
 भय पिडित प्रा संवा स. पियते कररुहैश्रनेव नदिभि ॥

ग्हापां मनष्यजुनी दयानं दान मयाष्व कपति जुया
 पापनं प्वाथ जक तग्व ल्हाः तुति चीकिपु म्हुतु जक
 मुलुयाप्वाल थें चिकिप्वापि श्रुचि मुख प्रेततः थुमीत
 उद्धार याय निमिति जय मुकुटं पुया न्हयपने कुण्डल चाचा
 सुया पिताम्बर या धोति चिना जवल्वातं वरद मुद्रा केना
 पतिचां प्रमृत रूपि जल हायका बिलः पुनरबार मगागुलि
 खवल्हातं पले ज्वना पतिचां जल हायका बिल अथ्यनं तृप्त
 मजुयाव जटानलया धारा हायका तृप्त यानाव बोधि ज्ञान
 विया उद्धार याना विज्यात ॥

यम लोके पिने २ गु खुसि दु । थ्वया दुने पति चवकः
 मि यागु पःखा दु । उलंघन याना वने फे मखुगु हंकार शब्दं
 हक्काहइगु । घमतिमापि बइगु अवस्थासं मि शान्त ज्वीइगु । पुत्रं
 या द्वार वहयागु सुन्दरगू दक्षिणे नं यागु ग्यानापुगु द्वार बु
 थ्व थासे पाः च्वनोपि हाकुपि जमदुत त ल्हाते खडग व
 पाशा, गुलिसिया घनुष बाण, गुलिसिया छूरी, भाला, मुग
 अश्ल ज्वना ज्वोपि गुलि सिंहया खा गुलि किसि खा
 धुं, मालू, खिचा, कोख, गृद, ईमा, फा इत्यदि खा
 पि न्यासम्ह दयाच्वन पारिष्ट तयत पाशं चिना मुगलं
 ाया हैगु जुया चोन ।

१दो दग्निण द्वारे तामुला लोह मयं शृष्टि तत्मागें
 दलोह कीलै श्चयकील तं च समेततः तथायक्षुर घापि
 पर्वतते सयतत कंटक १ तप्रबालुका २ अग्नी स्कन्धलोहकील
 सुरश्रुग्धार अग्नी कुण्ड लोहकंभ तैलपाक विन्मूत्रकुण्ड

जलोका वूड सर्प कुण्ड अंधकार । वेतरणिहृदय मूङ्गलेन
ताडन ।

अर्थ—

थन थ्व दक्षिण पाये लँयं कंया भारपात गनं गन मुलु
तस्वाका लंय लायातइगु गन खोचाया घार थवस्वकानइगु ।

दक्षिण द्वारे विज्याह्य यमराजा या रूप वर्णन स्यास्वा
निपा लहा भयानक ग्यानापुगु जवं खडग म्हुया खवं स्तिपत
ज्वना विज्याह्य सं जट्टा जुया थथ सोगु छयो ने स !
वाक्कुछिना तं म्वया पागे तयगु स्वा खनेवं हक्का बोल
विडम्ह थथिम्ह यम जिनं स्वया वया हान पुर्व पडिन्न
उत्तर पति विज्याइम्ह शान्त स्वभाव स्वेत वर्ण पद्म
वग्द मुद्रा पंच मुडा तिया विज्याइम्ह पीताम्बरया
धोति चिना विज्याम्ह ।

गत्वा चयेन नरकेषु अवि ची मग्न
शान्त कृत हृष्यी विशारह हंज न्द
येनारकी सकल दुःख विनाशयंति ॥

हाकनं पुर्व जन्मे दशांकुशल पाप याना वगलि नीकं
दायेमा तवगु तोगु खामीसं वक्फाना सारती याना
तवगुलि करुणा तथा अर्वाचि नरकं थमथें थमं विज्याना
थवगु रस्मीं खयका मीं दक्को शान्त याना चीकं दक्को
लव्या पुखु याना थुकीसं पलेस्वां बुद्धा दं या दथ्वी
विज्याना बोधि ज्ञानया खँ वना उद्धार याना विज्यात् ।
थुगु चरित्र खनर जमदुन सकलें आशनं ग्याना यम-
राजा या थास वना बिन्तीयात — हे घर्मराज मिव आगत

कामरूपी ।। ये कर्म भूमिईव सिताते निमित्त ।। अथ
हे यारान छलपोल वचन अनूसार पापिष्ट जन पित्त
विमिसं कर्मभोग याकानया । थन अदभूतम्ह कामरूपी
विज्याना नरक दक्को ध्वंस ज्वी ध्रुंकल छलपल विचार
याना विज्याहुं धका हतपत दिन्ती कावगु खं न्यना
यमनाजं छ्यान दृष्टीं स्वनु वरव श्रो सुख वतिया नाथ
पद्मगणि त्रार्यावल्लोकीनेधार धका सीयकाव तःकारण
पुजा साना ज्वना ईश्वर्या धास विज्याना पुजा भाव
भक्ति याना तोश बना नमस्कार यानाव विज्यात ।
थन नी यमराजायात णशिर्वादि विद्याव निमेश मात्र नं
अन्तर्छ्यान जुया विज्यान ।

थनची वृष वर्मा राना यमदुत पिस ज्वना हयाच्चंगू
खना आज्ञा जुया विज्यात हे दूत गणपि ग्राम राजा
त्सकं धर्मतिपाहम ख. धिमिसं थन हया सी मर्त्यनिम्ह
थन छाया हदा यासन नित् यंकी धका आज्ञा दयका
विज्यात ।।

थुखे दरवारे सुथे न्हापां दना विज्याइम्ह राजा थौं
आत्कं दना विमज्या धका गणी नं स्व विज्यात । राजा
नीजिव जुयाच्चंगू खना खोया हतपतं दवारे सकलयात
खवर विल । किजाम्ह वालार्चन विचार याना स्ववले
छुहे म्वाकं दाजु परलोक जुल धका अतिविलाप याना
थव थिति इष्ट मित्र सकलयात खवर यानाव प्रजापनि-
स्तनं खवर विद्या विज्यात । थनं राजायात अग्नी
संस्कार यायेगु सामान जोरेयानावं च्वोन । थन मंत्री

भारदार सैन्य लोक सकलें जमा जुग्रावं चीन । युद्ध
यमलोके यमराजां उज्ज्व दयका विज्यात थ्व राजायायतं वारे
लीत यंकी, थ्वइगु शरिर प्रग्नी संस्कार यात की जक
चीनीगु शरीर दैमखु । उकें याकन यंका विउ धका आज्ञा
दयका च्वन । यमदुत पिसं आकाश मार्ग नं निमेष मात्रां दिग्वा
निजिवगु शरीरे तोता विल । सित धका जुम्ह जुजु वाथाक्क
दनावल । दक्की लोकपि अनर्थ जुल । सिये धुंकुह्य राजा
बृष देव वर्मा पुनः सध्यै जुल धका सकसिन विचारयाना
चीन ।

प्रन राजा यागु चरित्र न्यनेगु सकलया इच्छा जृया
विंती यात महाराज छलपेल यात गथ्य जुगु जिमित खं कना
विज्याहुँ धका न्यस्यलि लंगी भारदार सबल दुनीया पिनिगु
ख्वा स्वया आक्षा दयका विज्यात । भो मंत्रीलोक, प्रजालोक,
पि धर्म यात्रा जुया दिन जुगुलि सुथे न्हापां, दना शंखमोल
तिर्थे मोल्हुया इश्वर पि जि दर्शन याना विश्राम याना
चीनागु अवस्थासं यमदुतपि वया त्रित यमलोक बोना यंकल
यमलोके पापिष्ट जनपित पविची नरके चिकं दायका
क्वफाना सास्ती नकातल । श्री पद्मपाणि लोकेश्वर थमथ्य
थम्ह नं नरके चोपिन्त नर्क थकया उद्धार याना विज्यात ।
हानं श्रुचिमुख प्रेत तयत नं थवगु ल्हा तुति पतिनं जलधारा
खसी थें ल न्हायाका उद्धार याना विज्यागु जि स्वया वया
धका यमलोक या खं कना विज्यात । बरा अनर्थ जुल धका
राजां खं कना विज्यात । लोक सकल सिया मने खं ल्हात
राजा बृषदेव वर्मा भाग्यमानी यमलोक विज्याना हाकनं
निहाँ विज्याम्ह, भिसं गुबलें न्यने मनंगु धका विन्ती

यात भो महाराज ग्राम पद्मपाणिलोकेश्वर यागु रूप जिमित
 दयका कयेया विज्याहुं जिमिसं नं दर्शन यायधका सकल लोकं
 धागु खे न्यनां राजां थम्हं दर्शन यानावया थें च्वं॥ श्री
 पद्मपाणि जटाधारी लोकेश्वरयागु मूर्ति दयका बयेन । सकल
 लोक नं दर्शन याया दरवारे गुंगु चोक या मध्य देगः
 दयका पुरोहित पिसं प्रतिस्था जज्ञ यानाव न्हों ३ कोल
 पो ल्हूया पंचामृत क्षीर भोजन चह्नेयाना रात्री संध्याकाल
 धुप दिप आरती यानाव आनन्दनं बिज्याक जुल ।

थ्व खुन्हुनिसें श्री लोकेश्वर यागु मूर्ति दुगु जुल ।
 राजा प्रजा सकलें दान धर्म याइपि जुल । थुगु मूर्ति
 यात धर्मराजा नं धाइगु जुल । राज्य सुख व ऐश्वर्य
 जुया चोंग अवस्थासं थव किजा वान्नाचनयात राज्य
 वियाव तीर्थ व्रत यायत गोदावरा वन । लोक पने
 सकल वनाव अनंलिहाँ विज्याक वलेंस विचे विष्णु
 याना विज्यात । थुगु थासे चैत्य स्तुम्भ स्थापना याय
 मास धका मति तथा भिगु वनक्षेत्र याग वार खुन्हु
 शीलान्यास याका व गुरु पुरोहितं जज्ञ याकाय प्रति-
 स्थायाना विज्यात । थुगु थास यात बदेगां धका
 ना तथा वरती दयका विल । सुथनलि छुं दिन लिपा
 थव दरवार श्री मति देग निहाँ विज्याना श्री जटाधारी
 लोकेश्वर या सेवाभाव भक्त यानाव चों चों छुन्हु
 या दिने कालाति मन्त ॥ ईश्वर यागु भवित भाव
 याके निर्वाण पद लानावन ।

दाजु सब ल्हाना थकुगु राज्य वालाचनं न्ह्याका

यंकल । घामिक जुजु जुयाचोन । यल देशें बं ज्या याहपि
 सुं मदयाचवन । मेगु देशं अथवा गामं अन्न हया नयमा ।
 उकि बं ज्या यायगु अन्न सयकेगुली प्राथमिकता विल । तर
 दकले ह्यापां बुंइ कववायगुलि सुंहे मा । मजु । पृथ्वी माता
 यात न्हंयां कववाइह्य साः वाइह्य मनू याकन सिनावनि
 थंगु धारणा जुया चोन थवले हे छह्य वल्लाह्य मचाखाचा
 सुं मदुह्य बल बल वयह्य ल्यायह्य यात देशया निम्ती
 ज्यान पायगु भिगु ज्या यायत तयार याके विल । व
 वल्लाह्य मनूखं देशया निम्ती कववाना धिल साः वाना
 विल आषाढ महिना साः वा पित्त इलय ब्यलय सो साः
 याना विल । सामा बाँलाना वल मंशिर महिना जुया वल
 वा व्वो ह्याहुक पाके जुल । घया तः थें वल वल घयाह्य
 ह्यापां क वह्य सित खनि उवले वालाचन जजु देशया
 निम्ती पुण्य या सन्माने कल बल यागु शिला प्रतिमा दयका
 स्वना दिल । बुंइ वा लया दाय्या वुं खल पति वल वल
 यागु भाग घका विल । थव आयस्ता दकवं मुंका दंय छको
 मंशिर शुद्धां पुत्तीं (योमरी पुत्ती) खन्हु बहनी यो मरि
 लुना जात्रा माने याइगु थिति गवसा गवल । थव बल वल
 यागु देवालय तःवाहलय (बुंग छो तइगु खास) वनेवले
 जवे पति ला । थव वल बलं दकले ह्यापा कववगु थास
 थसि वनं वल जवे पति लागु ख्यो आतक न दर्नि ।

वालाचन जुजु जताबारी लोकेश्वर यागु भक्ति भावया,
 तर कवातु मजु खनि । उकि छन्ह्या दिन कोर जुल ।
 मति कवो भंरव भौचा (भति) जुया वया चंना चोपि
 दुरु त्वं पि मचात वा न्याना यका सिमाया कच्चा कापि

तदा विल । माँपि खँपिसं लिस्यं वना स्वगु बखते मचात
 मदया अति विलाप याना खोया जुल । वयां कन्हे खनु
 (सखन्दु) हानं मेव थास द्योना चोह्य मचा भति वया
 अये हे यंका सिनासं तथा विस्युवन । सकसिनं खंका
 लाय्ल'य् वुया लिना यंवल तर भति अल्प जुया वनं
 सिमास मचान म्दु । थुगु रितं ह्नीं ह्नीं मचात भति
 यंकुगुति राजा प्रजा दुनियां त सकलें अफशोच याना चोन ।
 गुलिसियां ह्नापांहा काय, गुलिसिया म्हाय् थुगु कथं अचा
 तयगु दुःखं हाहाकार जुया भोचा खना ग्याना मेगु थासे
 चों वन । उखे थुवे मदयक प्रजागणति विस्यु वंगु खना
 वालार्चन या मति दुनिया प्रजालोक मदयक जि जक
 चोना नं छुयाय धका मतितया श्री जटाधारी लोकेश्वर
 छह्य कोविया ह्या उत्तर पाखे च्वंगु मानदेव संस्कारित
 चक्रवर्ण मह'विहारे चकः वहाले च्वंवन ।

थ्वल् श्री जटाधारो लोकेश्वरया मेपिसं दयका तवग
 विहारे चोनेगु मन मज्जु खनि । उकिं उखुन्दु राते जुजु
 वालार्चन यात रात्री सयन जुया चोंवल आज्ञा दयका
 विज्यात भो राजन थुगु थासे जि चोनेगु मन म्दु । उदये
 छं मेवगु हे विहार दयकी धका आज्ञा दयवल । जुजु या
 न्ह्यलं चाल आछुयाय इश्वरं विहार दयकि धका आज्ञा
 जुया विज्यात, गथे गुकथं जि सिउगु मखु आः गथे य.य
 वका मति अंदोल जुया चोन । सुथे ह्नापन मो ल्हुया थव
 नित्यार्चन पुजा पाठ सिधयका क्षीर भोजनादि चह्ने
 याना थवनं पालं याना संध्यास दीप दान आरति याना

सयन जुल । थुबुन्हु रात्री सं प्राजा दयका विज्यात भो
 राजन थुगु थासं चोना जिगु मानेता दइमखु मेगु हे विहार
 याकनं दयकी घका चोयका विज्यात । बालार्चन जुजु
 विन्ती यात गन गुगु थास दयकेगु जिन छुं मस्यु घका विन्ती
 यात । इश्वरं धया विज्यात कन्हे सुथ ह्यापा नित्य पुजा
 यायवले चखुन छह्य वया जाकी नइ व चखुंचा वोया गन ज्वा
 अन छं विहार दयकी घका प्राजा जुया अन्तरध्यान जुया
 विज्यात न्ह्यलं चाल बालार्चन जुजु दनां याकनं मो तहुया
 निलः हया नित्य पुजा याना पाठ याना चोन थुगु अवस्थास
 जुजुं खंक चखुंचा छह्य वया जाकी नया वोया वनां उत्तर
 पत्ती छगु खेले जुना अल्प जुयावन । थुगु थासय राजां
 चिह्न तथा थव गुरु पुरोहित पिस जगा परिक्षा याना संत्र
 सोधन याना भिगु शुभ लग्न शुभ दिन मुहूर्ते जग स्वना
 देगःया लक्षण विचार याना दयके विल । चतुर्द्वार चतुब्रह्म
 विहार, चतुस्तंभ, चतुर्महाराजा अष्ट शृंगे, अष्ट भैरव
 गुमेरू प्रमाण देवालय गजु प्रतिष्ठा याना व अष्ट बोधिसत्व
 स्वना ध्वज पताका सं शोभां चामोलादि विभुषितं ॥
 अति लक्षण प्रमाण न दयेका विल । थनलिं भिगु दिने
 प्रतिष्ठा यानाव बालार्चन संस्कारित ताभींगल विहार घका
 नाम कर्ण यानाव श्री जटाधारी लोकेश्वर या भावभावित
 यानाव चोन । थुह्य इश्वर यात चखुंचा रूप वया विहार
 दयका विज्याह्य जुगुया निति चखुं बाहा देव धयातल ।

थुगु हे वर्षं गुरु पुरोहित पिके न्यना रथ जात्रा यायगु
 मति तथा न्यना विज्यात ।

रथ या लक्षण प्रमाण

वैशाख शुक्लया १० दशमी खुन्हु हामो विल चर्तु
माहारजा घमा पाशा नाग या बाहां हिटि मंगः न्यता
पां या चिन्हे दु । घलचा प्यह्य भैरव, घःमा वरू नाग ।
खव जला मध्य मंडल चतुर्द्वारि मंत्री करुणा । मुदिता,
उपेक्षा, चतुस्तोरण रथ सुमेरु त्रयोदस भुवन वाय मोले
वज्रसन्ध गुरू अकनिष्ठ छत्र ध्वज पटाक वितान सहित
अतिशोभायमान (भुवन) चन्द्र सूर्य भुषणं ।

सालिगु खिपत द अष्ट नाग । च्यापु वलपौ नागलोक
लः सि द च्याग्वला अष्ट दिगपाल थुलि संयुक्त याना
वैशाख सुबि चौथि ४ खुन्हु देव रथे विज्याकेत रथ प्रतिष्ठा ।
कलशे तिर्यया लख पंचामृत पंच रत्नं पंचोषधि पंच पलजला
अक्षत दुर्वा कुण्ड सहित किशलि पंचसूत्र सहकं । स्कन्धौ
ज्वला ह्नायकं सिल्लमू क्षीर भोजन सहित चतुष्यादी बलि
सरोज पत्र अलि बलि नागयात ११ पुई योमरी तया गुरू
पुरोहित हेन बाहा व चखुं बाहा या प्रजास उपाध्याय चोना
माक्वं मंत्र जप समाधी योग याना देश जात्रा यायेगु थिति
थौं अध्यापि चले जुया चोन । यक्ष बाजा, धिमे बाजा, व
भुस्या इन्द्र बाजा काहाँ पुइगु । थुगु कथं देश भरिया
अत्यन्त हर्ष मान नं जात्रा याक्गु जुल । थुगु समय थ्व
यल देश सहकाल जुया व लोक पति सुखन काल हनाव
चोन । थास थासं याः न्यायका ह्तिथं ह्ति पुजा भाव तोत्र
पाठ जप यानाव देश परिक्रमा यानाव बैसाख पुह्नी खुन्हु
रथ विसर्जन यागु जुल । थुगु जात्रा देश देशान्तर नं न्यनाव

स्वयगु इच्छा यात जिगी जिगी घायक माने याङ्गु जात्रा
ववचाल ।

थनॅलि श्री मति देशे ह्लापा यागु थामे मतिबवे
श्री यन्मान्तक भैरवया थासे मासाहुति यज्ञ यायगु व चखुंचा
छजो पुजा याना खँ कनीगु ॥ हे चतक नाम पंछि छ स्वर्गे
वनां श्री जटाधारी लोकेश्वर या रथ जात्रा सिधल छ वनां
देवराज इन्द्र यात कना विउ हूँ " हानं न्या छजो कया
पुजा याना खँ कनि " हे मत्से छ पाताले वना श्री जटाधारी
लोकेश्वरया रथ जात्रा सिधयकानं श्री भैरव या थास होम
कर्म यात घका कना विउ घका पुखुलि तोता छोद ।

थ्व खँ येँ, ख्वप, भोंत थ्यंक दक्क गामे तक नं जाहेर
जुया वनं । दछि दस्यंलि हाकनं बैसाख शुद्धी चौथि थ्यंक
वल ह्लापा यागु जात्रा स्वय मखंपिनि नुग मछिना लिपा
यागु सां तापा तापापि न्ह्यबहे चाहिना सेल वल । थ्व
रथ जात्रा या बयान जुयाव वं वं भोंत तक नं थ्यन ।
वयत छन्हु वनेत छन्हु माव । थ्व भोंत बन्दीकापुर या पि
मन्हुत भोछि भोछि निन्हु प्यनु या ज्या दिना हे वयगु
बनेगु जुल । सकलें यले श्री पद्मपाणी लोकेश्वर चखुं
बाहा देव या जात्रा स्वयत वो बले भोंत देशय चण्डेश्वरी या
थास वइ वनि पि कम जुया चीन । भि भां दँ थें जुल ।
थ्व भों देश या देवी चण्डेश्वरीं थ्व वयान शिल । घायें
गुलिजक बांलागु थ्व जात्रा ज्वी घैगु स्वयगु मति तया
आकाश मार्गं यले थ्यंक विज्यात । थ्व खुन्हु नुगले भुज्या
जुया च्वन । जात्रा थात्यें जिगि जिगि हे चीं । मनुते मचात,

मिसात न्हुगु न्हुगु बस्त्रं पुनां, बांलाक समा याना तिसां
 तिया जिवक छाया पिया थो थो स्वल वया चोन गुलि बाजा
 थाना चोंपि गुलि प्याखं न हुपि गुलि पुजाभु ज्वना नैवद्य
 पंचामृत, धुप दिप अनेक प्रकार या स्वामा मधि चढी छत्र,
 ध्वज पताक आदि छाया अत्यन्त रस रंग याना नया त्वना
 जुया ज्वन । थुखे भों देशया चण्डेश्वरी भेष धारी मन्हु
 जुया ह्मिछि उखें थुखें चाहला जुया चोन प्वा लछाय धुंकल
 सुनानं छम्वाः छकुः नकुपि मदु आला तं न पिहा वय
 धुंकल । नुगल जात्राया बछुत्वा घका ह्मयगु त्वालं माने
 याइगु जात्रा जुया चोन । चण्डेश्वरी देवी मीं जुया उखें थुखें
 छेखा दुहाँ वना छेखा छें मेगु छें मिनया व वँ ह्मयगु तोल नं
 मिनया हाहाकार जुल । गुलिसियां नय मखन गुलिया वसः
 तिसा लासा फांगा बसजा इत्यादी मि नया नखः अखः जुया
 चोन । ध्व खनां रथे बिज्याना च्बह्म श्री जटाधारी
 लोकेश्वरं बिचार याना बिज्यात, सुनां ध्व जिगु जात्रास
 विघ्न यात घका घ्यावं स्वगु बखते मि जुया च्बह्म चण्डेश्वरी
 यात खँन । मिस्यायत कुतल याना चोंपि कायल जुल ।
 मीं स्यायगु इश्वर मदत याना विल जल बर्षे याना मि दक्क
 सित । निर्दोष मनु तयगु थास वास त्वाः बुक फुल । तर
 वन्दोकापुरे चण्डेश्वरी यात्रा तन्हु मागु मखुत । थुकियात
 बदला उबले काय घका जटाधारी लोकेश्वरं मति तया
 विज्यात । रथ जात्रा सिधल ।

बैसाख पुह्नी थ्यंक वल चण्डेश्वरी यागु जात्रा याईगु
 इल जुयावल । श्री जटाधारी लोकेश्वर आवाश मागं भोंत

देशय श्वंक विज्यात । जात्राया हुल मनुय लिमला ।
 थुवले लाक श्री जटाधारी लोकेश्वर अग्नी जुया चण्डेश्वरीया
 जात्रा यायत थिक जुगु प्रवस्था लाक गजुली मि नल ।
 अनलि पोल मि नल खत समेत छोया वल । छो पालापी
 ग्याना विस्युं वन । खन च्वह्य चण्डेश्वरी अग्नीया अन्न
 ग्याना खतं वहाँ विज्याना विस्युं वन । मनुत मिस्यायत
 कुलल याया च्वन । चण्डेश्वरी सुरक्षा या लागी थवगु देगले
 विस्युं वन । देगले गजुली निसे कया देग जगोशं मि नल ।
 चण्डेश्वरी अन्न देगलं नं विस्युं वना वांउगु सिमा चोकाय
 थहाँ वना चोन । सिमानं मिनल । जमिनं दुने सिमाया
 वा वः कया सुला च्वं वन । सिमा फुक मिनया हा जक
 बाकी जुल । भचा लन । मि ग्वारा दतिला घडा तिजक
 अर्घ्यो ह्लोना स्वत उविया प्रमाणं वेवया मूर्ति रवंग मिखा
 जक जुया चोन जुल । थ्वहे रवंगल मिखा मनुत रये
 चण्डेश्वरी घका थो तक न पुजा भजा नलेयाना चोन ।
 मि नया थ्व देवी मंत घडा ह्यसुग कपत तंपुया नल ।
 आतक नं ह्यसुग इलां थे तंग चलन दान । लिउन पाखे
 वना जक दर्शन याइगु जुया चोन । थ्व देवीया ह्यसु दन
 वले तपुलि पुया वने मजिउ । थ्वे जटाधारी लोकेश्वर
 चण्डेश्वरी पिहाँ मवल घडा मतिम्या इगु देशस वास चाना
 * न्हे खुनु थगु देश निहा तनिगल टोले विहारे आनन्दनं
 विज्या । थ्व खुनु निसें विघ्न बाधा मजुल ।

जगु वालाचन या दाजु वृषदेव वर्मा भदय घुका वेवया
 रानी रानी या गभं पुत्र जन्म जुगु जुल । थ्वहे इलय विषवा

ब्राह्मणी छह या पुरुष मदया न्ह्यो मवया शिव शिव धका
 अनेग विलाप याना चोन निद प्यद लिपा थव ब्राह्मणी या
 एकचितं शिव शिव धका भक्ति याना चोंगुलि छन्हु रात्री
 महादेव विज्याना ब्राह्मणीया मनोरथ पूर्ण याना विल थव
 खुनु निसे ब्राह्मणीया प्वाथस दया मास पुर्ण जुसेली पुत्र
 छह जन्म जुल । महादेव या विजं जन्म जुवगुनी थवया
 नाम शंकराचार्य धका नाम कर्ण याना प्रतपाल याना व
 तल बैमं जाया १६ दया उमेर जुसेलि थवगु पिता
 श्री महादेव यागु शैव धर्म प्रचार याना बौद्ध धर्म यात
 तुच्छ याना शैव धर्म माने मयापिन्त संजाइ विया शिव धर्म
 प्रचाय या देश देश या चाहला जुल । नेपाल देशनं थ्यंक
 वल । थुगु वस्ते मंजु पटन देगय १६ ह्य विद्वान त मंजुश्री
 शिष्यानि दया च्वन । थुमिसं थव पापिया खुवाला स्वय मत्यो
 धका प्रन्तःध्यान जुया विज्यात । नेपाले नं बौद्ध धर्म
 न्हंकेगु कुतः याना हल । वहे इले जन्म ब्रह्म वृष देव या
 पुत्र यात शंकर देव धका नाम तल शंकराचार्य अपालं धर्म
 ग्रंथ नष्ट याना शिव धर्म प्रचार याना माने मया पिन्त
 स्याना विद्गु तकं याना चोन भिक्षु भिक्षुणी पिन्त वं
 जवरजस्ती विवाडा कर्म याना गृहस्थी याना मद्य मांस या
 आक्षार याका विल । थुगु प्रचारं विहार वहिली वंधात्ये
 हे तया दिग्वी जय याना व वं तानिगल विहारे थ्यंका
 बालार्चन देव नापलात । वेक यात नं शिव धर्म मानेयाकेत
 कुत यात जुलु माने मजुसेलीं जुजु खल जुया स्याय मछिना
 गृहस्थ भिक्षु याना विल । ह्तापां हिसा कर्ममया सानं

जटाधारी लोकेश्वरयः रथ विसर्जन पुजा जुइवले हिंसा
मयासे मगाका विल । उवले निसे रथं लोकेश्वर कोकायत
हिंसा कर्म यायगु दत । उखुन्हुनिसें रथे च्वह्य पांजु यात हे
मद्यमांस नका विल । अथे सां नं श्री जटाधारी लोकेश्वर या
पुजा ह्निथं पंचामृतं भक्ती भाव यायगु ज्या दृया चोन ।
वालाचन जुजु थ्वहे विहारे चूडाकर्म याना गृहस्थी भिक्षु जुया
ह्निन स्वकोल मोल ल्हुया नियम पुर्वक क्षीर भोजन मात्र याना
जुल, जटाधारी लोकेश्वर या जन कल्याण या लागी भक्तभाव
तया शंकराचार्य या नियम पालन मजुल । शंकराचार्य
थुगु थासं भक्तपुर देशय वनां अपालं बौद्ध धर्म शास्त्र
ध्वंस याना, शको देशय वन मन नं बौद्ध शास्त्र खुसिइ
चुयके छोट खड्ग योगिनी यात पशु बली बिद्ग मति तया
पर्वतं थहा वम थ्व खँ योगिनी सियका ग्व फस तोता हया
फसं पुइके छोट । खुकोल तक नं फसं पुईका ववफासेली
योगिनी यात स्त्रोत्र भाव यात—

नविक टोतभ भैरव रूपधारी
गज धर्म पट्टा धृक त्राशकरी
त्रयलोचन कारक लाल मुखी
प्रणामी शुभाकरी एकजुटी ॥

थुगु प्रकारं तोत्र बोना थहाँ वनं देवी दर्शन याना
बली बियतेन थन देवी आज्ञा जुया विज्यात थन पशु हिंसा
याय मय धका आज्ञा जुसेलि शंकराचार्य घाल जि मति
सरूप याय धुगुलीं लित यंके मखु धका घया ववे हया
महाकायल स्थापना ना छोपाला बोना हया हिंसा हे याका

बिल । थुखुन्हु निसें हिंसा यायगुचलन जुया च्वन ।

अन नं ह्लासा देश वने धका उत्तर पंथस वन ।

बालार्चन देव जुजुं सुरू याना थकुगु थ्व जताधारी
लोकेश्वर यागु मुखुगु जात्रा जुल । मे मेवगु ह्लयगु खते तया
कोविया जात्रा यायगु जुया चोन । कलिगत बष ॥ अतिम
बलि बर्षाणि शुन्य द्वं द्वं र साग्निषु ॥ ३६०० स्वदोल व
खुसल संवत स यल देशे बल देवराजा या पर्याय स कामरू
कामाक्षा देश आशामं श्री करुणामय नेपाल विज्याकल थुकि
या जात्रा बालके या निति मेमेगु जात्रा ह्लयगु फुक्कं ह्यासे
या धका मे मगु देवता यात साधना याना क्षमा पुजा याना
खुम्ह देवता पिगु ज्या सिधयका तानिगल टोले पुर्व सन्मुख
याना शिलामय चैत्य स्थापना याना वंधुदत्त ग्भाजु आव्हान
यागु जुया च्वन । थुगु श्री जताधारी लोकेश्वर यागु रथ
जात्रा ह्यासे यायत आव्हान यावले इश्वर तं चया क्रोध
दृष्टीं स्वया विज्यागु बखते वंधुदत्त बज्राचायंया न्ह्योने
चैत्य स्थापना तवगुलि चं य या गजु याक्वे निर्वे वागः वागः
ज्बीइक संगुवाल बछि थौतक नं बाकी दया चोन तिनी थ्व
देग तंगल टोले तःवहा वने बले जव पट्टी लाव । थथे जुगु
बखते वंधुदत्त विचार याना स्ववखते श्री जताधारी
लोकेश्वर यागु रथ जात्रा ह्यासे याय मज्यु धका सियका
क्षमा पुजा याना ववचायकल थुवले निसे मेवगु खुगु जात्रा
ह्यासे जुल ।

थ्व जात्रा बुंग देवया जात्रा स्वया ह्लापालाक श्री
जताधारी लोकेश्वर यागु जुइ । अनलि लिग श्री करुणामय

यागु जुई । उके लिपा गावहाल या जात्रा सं चौथी खुन्हु
 ह्तापनं साला यंका पुलचोक तक यंकीगु । अन निसं लिउन
 श्री करुणामय विज्याकेगु न्ह्यो श्री जताधारी लोकेश्वरया
 रथ या न्यायकिगु ज्या चोन अनलि नुगले विज्याकिगु वस्त्रने
 न्ह्याने याः न्याकेमावंगुलि लिउने चोना विज्याईगु या न्याकि
 वले न्ह्याने तुं विज्याकिगु । अनलि लगं जात्रा स न्ह्योने
 बिज्याना पच्छीन स्वका तइगु । ज्यावले जात्रा घुंका अलग
 विज्याइगु । श्री करुणामय दक्षिण स्वया अमरापुर बुगमति
 बिज्यायत श्री जताधारी लोकेश्वर याके विदा वया विज्याइगु
 जुल । थौं तक नं थ्व थिति चुक वहा देव नं विदा
 पुजा धका विया चोन तिनि ।

ज्यावले पुजा खुन्हु वर्ष वंघन यागु पुजा फया लिहा
 विज्याइगु सखुन्हु देगले दुहा विज्याकी । वया प्यन्हु खुन्हु
 रथे यिथिमिथि जुगु या शान्ती स्वस्ती प्रायश्चीत व्यंकेगु
 चलन थौं तक नं दनि ।

अनं लिपा थवगु ह्तापा यागु थास श्रीमति देशे
 यन्मातक, प्रज्ञांतक, पद्मान्तक, विघ्नान्तक, अचल टाकिराज
 भुभराज, महाबल, उष्णीष चक्रवर्ति दश क्रोध महा भैरव या
 न्ह्यवने मांसाहुति यज्ञ होमार्चन सिधयका सकलया सह
 भोजन ज्वोइगु अनलि लिहा विज्याना श्री जताधारी लोकेश्वर
 या थास न्ह्योने चोनां देश जात्रा सिधयका शुमंगल गाथा
 बोना श्री महांकाल पुजा तले आगम देवता, मारिचि देवी
 समेतं पुजा जुई श्री वसुन्धरा देवी पुजा याना गण चक्र
 भं जनादि घुंमागारी समेत सिधयका थव थव छं सं

लिहावनी । सखंन्हु गुण कारण्य व्युह पाठार्चन थव यिति
इष्ट मित्रादि यात इश्वर यागु प्रसाद विद्गु चलन दु ।

कालान्तरे सिद्धी नरसिंह या काय श्री निवास मल्ल या
पाले श्री जताधारी लोकेश्वर यागु मूर्ति अंगभंग जुयाव अष्ट
धातु य गु मूर्ति नेपाल सस्वत ७७९ सं जताधारी लोकेश्वर
इश्वर इष्ट देवता दुता धका दयका वंगु जुल ।

वयां लिपा संवत ८३६ साले बेसाख कृष्ण औंसी या
ज्जेष्ट शुदि प्रतिपदा वृहस्पतिवार वहनी ९ ताः इले
श्री जताधारी लोकेश्वर या रथ थःति टोले तथा तव वले
आका भाकां मिमल उवले जुगु श्री ऋद्धी नर सिंह मल्ल या
पर्याय सं प्रजागणपि पुरोहित मंत्री सकलें व उवले या दशय
विर आजुपि, तंग बहाल यांि म्कले मुना सल्ला याना
देव यात रथं कोक्या फलेचासं विजयाका मि नवगु रथ
फुकक पिया हया जिउगु ज्याय कया मजिउगु शंखमल खुसि
चयके छोया रथ दयका हेनवहा या मुलाचार्य चुक वहाया
जामन गुभाजु या सन्तान उपाध्याय समंत चवना भिनिह्य
वज्राचार्य पिस ७००० कारण व्युह पाठयाका यल देशया
ब्रम्हुत दको सिनं वेद पाठ याका, दण्डवत याका जुजुं भूमिदान,
सुवर्ण दान गौदान याना रथय इश्वर यात तल । थ्व साले
न्ह्याह्य से न्ह्याको या पुजा पाठ सान्ती स्वग्ती या सां वान
मलात । भिगु साइत स्वया ज्यावले पिसाल । ज्यावलाखेलं
जात्रा सिधयका देव चुक वहाले लि मथ्यं व छह्य मन्हु यात
घःचाल बयला सित । निम्हेसित घा पा जुल । थ्वहे साले
मागु यंकु बले घःचाले गोला तःगु आंसि ३० स्वीगो तोल

छुल । न्ह्याथे याना नं वुंगय श्री करुणामय वुंग देशय थ्यंका
ज्यावले जात्रा सिधयका देगले विज्याकन । शुभम्,

- १) तुरंगल्ल सल तइगु थास जुया निति तानिगल तंगः
- २) मणिगल मणिगल प्रासाद-मंग दरवार लूं ड्याल मंगल
या प्रमाण
- ३) मणिचैत्य- मंग हिति फुमे च्वंगु चिभाद्यो
- ४) मणि धारा- मंग हिति २ वा
- ५) मणि गणेश- हिति फुमे दक्षिण स्वया एक पद नृत्य
४ का ल्ला दुह्य
- ६) मणि महेश्वर- भिद्यो ववे ल्लोह देगले दुने च्वह्य
महाद्यो
- ७) मणि कुमार- भिद्यो
- ८) मणि मण्डप- १६ थाम दुगु फलेचा मंग हिति च्वे
जवे व खवे च्वंगु फलेचा
- ९) सभागृह- सौगल,
- १०) किसि तैइगु थास- हस्तीगल हातिगल- हाँगल
- ११) नोगल भोंत- नुगल



44

1

2

प्रकाशक - सुधी रुकमिणी श्रेष्ठ

३ क ५८ नयाँ बानेश्वर

का. न. पा. वडा नं. १०

काठमाडौं

प्रथमवार- ५०० प्रति

**सम्बत- १९११ ज्येष्ठ शुक्ल तछलाथ्व
ज्यापुन्हो**

**थ्व सफू दीवंगत पुज्य अबुजु श्री छत्रमान श्रेष्ठ या
लुमन्ती बान याना ।**